



Varresvuodastasjeávná bagádallam

Doajmma *Lågá munji* galggá vaddet girjijt návká ja diehtjuohkemav smávmánáj(0-6 jage) giellaávdđánime birra ja æjgádjida aktisasj barggon varresvuodastasjeávná ja girjjevuorká gaskan. *Lågá munji* la ásaduvvam *Bokstart.no* háme milta ja hiebaduvvam sáme mánájfamiljajda.

Lågá Munji ávttji æjgádjijt ságastallat, láhkát ja lávllot mánájn álgo rájes, sámegeiellaj. Ulmme la nannit dav bargov mij juo dagáduvva varresvuodastasjeávnán ávdeditjtat

giellaávdđánimev ja buorre aktisasjvuodav æjgádjij ja máná gaskan.

Prosjækta tjadáduvva álles rijkán aktisasj barggon suohkanij. Varresvuodastasjeávná ma sæbrrí aktisattjat barggi almulasj girjjevuorkájn suohkanin ja máhtti adnet guládallamulmutjav dasi.

ULMME

Lågá munji gálmá oajvveulme li:

- Nannit æjgádjijt ájnas rállan mánáj giella- ja identitehtaávdđánahttemin.
- Látjet dilev vaj moattegielak máná galggi ávdđánahttet sámegeielav vuostasj giellan nav buoragit gá máhttelis ietjas máhtkuvuoda milta.
- Buktet sáme girjálásjuodav vuojnnusij smávmánájda ja æjgádjida.

MIHTTOMIERE

Gájk sáme smávmánáfamilja galggi oadjot girjijt návká ja diehtjuohkemav varresvuodastasjeávnás máná vuostasj jagen, jali mañebu. Varresvuodastasjeávná iesj mierret goassa galggi vaddet. Sámedigge hállit sáme smávmáná galggi doarjoduvvat!

Tjuovvoluvvá girjjevattáldagáj girjjevuorkás gá máná la birrusin guovtejagák ja birrusin nieljejagák. Varresvuodastasjeávná vaddá gáhttjomav/vattáldakkártáv girjjevuorkáj gánná máhtá viedtjat girjjevattáldagáv.

UUOSTASJ JAGE: RIEBIJTJIVGGA -girje ja RIEBIJTJIVGGA-tækstatjoahkke ja DIEHTOTJOAHKKE

Girje Riebijtjivgga, tækstatjoahkke Riebijtjivgga, Lågå munji diehtotjoahkke ja Máná giella diehtotjoahkke juogeduvvá konsultasjåvnån gånå giella la tiebmá, duola dagu gávtse mánugijda.



Riebijtjivgga: Gåvvågirje aktan álges tæksta sámegeillaj. Állessjattuga máhtti ságastallat girje gávåjs ja árggabiejesisanos. Sihke riebij ja kanijnna libá sjiervedásálettja, navti váj næjtso ja báhtja máhtti dábddát aktivuodan sunnujn.

Riebijtjivgga – tækstatjoahken la sæmme sisadno ja gávvidime dagu gávågirje, valla la ienep tæksta sámegeillaj. Ienep tæksta galggá nannit substsastimev ja låhkåmav sámegeillaj.

Riebijtjivgga tækstatjoahkke máhttá gálggiduvvat manjel gå máná la dævddám jagev, jali sæmme báttå gå ietjá girijit vattá. Tjuovvu tyddjapuvssa. Varresvuodastasjåvnån máhtá ávddånbuktet divna tjoahkkij ja vuosedit næhttaressursajt ma gávnnuji.

Lågå munji - diehtotjoahkke: Gálggiduvvá aktan girijn. Ulmme la arvusmahttet æjgádjij ja állessjattugijit ságastittjat, lávllot ja rijmmit mánájn sámegeillaj. Tækstatjoahkke la sihke sámegeillaj ja dárogeillaj

Máná giella - diehtotjoahkke la álges gávvidibme máná gielas gå la gudámánuk, jagák ja lågenangáktsamánuk ja gålmaßagák. Ane gávvidimev ságastallam vuodon æjgádjij ja ietjádij gudi barggi smávmánáj. Tjoahkke la sihke sámegeillaj ja dárogeillaj.

DIEHTO GIELLAVÁLLJIMA JA MOATTEGIELAKVUODA BIRRA

Giellaválljim la ájnas – diehtotjoahkke la dagáduvvam Sámedikkes nannitjit giellaválljimav smávmáná æjgádijda. Diehtotjoahkke vuonet ájnasvuodav ságastit sámegeielav njuorakmánáájge rájes ja man ávkálasj la máhttet moadda gielajt. Dát tiebmá la ájnas ságastit æjgádjij nav árrat gå máhttelis kontrállan varresvuodastasjåvnån. Lågå ienebu: www.sametinget.no/lesformeg/

Saemesth maanine - diehtotjoahkke la dagáduvvam Aajege sáme giella- ja kultuvrraguovdátjis. Dat la moattegielakvuoda birra ja la bagádus låhkåma ja giellaávddánahttema hárráj sierraláhkáj oarjjesáme familjajda.



www.samediggi.no/lesformeg

GUOVTEJAGÁGIJ- JA NIELJEJAGÁGIJKONTRÅLLA: GÁLGGIT VATTÁLDAKKÁRTÁV



Ávdeditjtat láhkåmav sámegeillaj oadtju máná moadda giellavattáldagájt. Varresvuodastasjávnná juohká vattáldakkártájt gávvågirjjáj sihke guovtejagági- ja nieljejagágijskontrållan. Girje viettjaduvvi girjjevuorkán. Familja oadtju sæmmi báttå oahpásmuvvat girjjevuorkájn ja fáladagáv luojkkamkárttáj. Vattáldakkártán tjáleduvvá máná namma.

GÁLGGIT RIEBIJTJIVGGA JA TJOAHKKIJT

Dánna li muhtem tsuojggidusá dunji gut galga gálggit Riebijtjivgga ja Lågá munji diehtotjoahkkev.

1. LÅGÁ MUNJI

Subtsasta ángattjat jut varresvuodastasjávnná sæbrrá Lågá munji prosjevtan, ja æjgáda dan diehti galggi oadtjot girjiit ja diehtotjáhkijt sámegeilla fáron sijddaj. Subtsasta jut girje li vattáldagá ma vatteduvvi návká váj láhki aktan sijdan.

2. GIELLAVÁLLJIM

Hasodit æjgádijt ságastittjat, lávlotjit ja láhkát sámegeillaj aj adnet sámegeielav njuorakmánárájes. Diedulasj giellaválljim ja agev adnet sámegeielav la ájnas giellaávddánahttemij ja moattegielakvuohhta la ávkken ja buorren mánáj.

3. LÁHKÁT AKTAN

Subtsastit jut aktan láhkát la buorre vuohke aktisasjvuohtaj mánájn. Gæhttjat ja gieggit gávájda girjen, vaddá mánájda ja állessjattugijda aktisasj tjalmostimev. Njuorakmáná máhtta gássket girjev. Maŋenagi máhtti gæhttjat girjen máná siegen, ságastit bæjválasj dagoj birra jali hihttit ietjas subtsasijt. Máná oahppá gulldalit ja ságastit iesj. Máná báhkoboanndudahka lassán.

4. LÁVLLAGA, RIJMA JA BÁHKOGÁRGESA

Hasodit lávlotjit, rijmmitjit ja báhkogárgesijt dahkat ja stáhkát lávllomstáhkusijt sámegeillaj.



AKTISASJBARGGO GIRJJEVUORKÁJN

Lågá munji! buktá máhttelisvuodajt aktisattjat barggat girjjevuorkájn ávdedittjat jieddnát láhkámav, láhkámávov ja árra giellaávdđánahttemav. Buojkulvisá konkrehta aktisasjbargojda máhtti liehket:

- Girjjevuorkká ævtot girjiit majt varresvuodastasjávnná bierra oasstet jali dahkat plakáhtav girjjetsuojpggidusáj ja gatsositit vuorddemlanján.
- Varresvuoda stasjávnná juohká diedojt familjadálah birra dagu njuorakmánájlávllom ja jieddnát láhkámáttáj birra girjjevuorkán.
- Girjjevuorkká fállá bájkálasj njuorakmánájæjvvalimijt girjjevuorkán.
- Jieddnát láhkámáttá varresvuodastasjávnnán jali rabás mánárgården.

Jus dujna li ienep oajjvadásá gáktu varresvuodastasjávnná máhtta aktisattjat barggat bájkálasj girjjevuorkáj, buvte oajjvadásájt!

Guládallamulmusj

Päivi Alanen
Sámedikke Lågá munji! prosjevtajádediddje
paivi.alanen@samediggi.no
48211006

Jus galga dinngut gálvojt, rája e-pástav diehki: sambib@samediggi.no



www.samediggi.no/lesformeg